

四庫全書

集部

欽定四庫全書

至正集卷二十三

元 許有壬 撰

絕句

題理宗御書

中原榛莽日南國宴安時可惜揮毫處都忘采芑詩

鵬窩驛次伯庸韻二首

華髮憐于役青山笑不歸有詩留傳舍無杖叩巖扉

中年愁遠涉出戶即思歸驛路夜鞭馬家山晝掩扉
分臺多暇戲書都事李雲卿案二首

事簡心常靜簾垂日正長東窻高卧起來受北窻涼
北來天地闊南望道途長塞草迢迢夢庭餘葉葉涼
題蘇李泣別圖和謝敬德韻二首

死節吾已矣生還又不如天王非太忍臣罪不勝誅
親友生別去子復棄遐荒只道還家好還家恨更長

次伯生韻二首

齒髮年年改風霜日日寒誰知台輔客恰似廣文官
酒腸時一熟詩骨自多寒智不如樗里文猶可稗官

題姚子中墨竹為巴延清卿監司賦二首

冷印枝枝月清含葉葉秋斯人有高節同在鳳池幽
香雪寒不飛琅玕濕晴碧化筆足清風蒼生待蘇息
管幼安濯足圖

吾欲髡歆髮織作幼安履復憂穢賢足遂及遼東水
息齋墨竹

竹仙骨已蛻遺墨宛如新明月秋無價清風世有人

次李沁州所寄韻八首

陽光彌六合螢燐若為功頗喜烏衣吏朝朝報獄空
繆拙遭明世涓埃竟莫增自盟惟一語休負十年燈
皇恩大無外庸瑣悉爬羅好竭方剛力年光馬注坡
量力慙叨祿懷家倦倚樓君恩如少報未老亦歸休
銅鞮古名地靡曼滿城中還似當年否吾將賦惱公
填臆愁無迹傳家貧有胎羈懷多少事晤語遲公來

地寒饒寂寞桃李雨聲中莫為妍華惜山川有涸童
紛紛櫛翳輩初亦識春風寄與迷途子康莊處處通

又次前韻

窮豈詩為祟愁須酒策功雨來雲氣重花落鳥聲空
安分貧猶富持身損是增卑官無長物風雨短檠燈
編簡蟬空蠹門庭雀可羅松醪今日熟一笑酹東坡
聯第陪鴻彥蜚英達鳳樓只將堅白志萬一答天休
聞道幽居好遼山紫翠中返來猿與鶴頗怨主人公

佳句不易得
蟻蛛出蚌胎
吾方信吾壘
專待短兵來
學道當無倦
拳拳百歲中
彭殤君莫較
天實壽終童
思君不可見
更忍障南風
幸假詩筒便
佳音得屢通

逆風挽舟竟日才一舍而止二首

人力已疲極
飛廉有底狂
老天相補報
却作一霄涼
一勺平安水
翻成滌瀕堆
十夫牽不止
姑坐待風回

水是吾鄉水四首

水是吾鄉水
漳洄會一流
如何容易去
似我昔年遊

水是吾鄉水洹清漳自渾去鄉無百里何事混吾洹
水是吾鄉水泥沙不可烹洹溪明日至親為汲深清
水是吾鄉水初非有愛憎漳流本雄偉我自別淄澠
夜深酒渴光遠掃蓬雪沃崖蜜見餉此時此味世
無有也作二十字謝之

蠶酸何足傳茶苦謾勞烹誰浣文園渴醒醺灌碎瓊
醉中書江樓壁

湘山春欲暮湘水清可涉佳人不我留歸帆動新月

待泮

昔聞輪生角今見舟在陸安得昆吾刀碎此一川玉

次同年丁文苑韻四首

花島晴雲不捲柳堤歸路都忘夢裡青帘搖曳柴門半掩斜陽

長日惟閒最覺清風與睡相宜竹靜不教塵到洞深惟有雲知

離下幾叢黃菊樓頭四面青山最是夜蘭清絕澗泉和

月潺潺

樽俎霜餘登橘杖
藜月下觀梅恰好
山中酒熟先生政
賦歸來

黃葵

長生殿裡仙子華陽宮中女師
淡淡鵝黃衫子深深鴨綠裙兒

贈歌者文林燕用魯子輦韻

飛徧人間華屋來
依天上瓊林任蹴舞
筵花落休教綠

葉成陰

九日書原功壁

重陽有菊無酒塵世多忙少閒京國年年白髮湘江處
處青山

題木唐卿旌表孝義卷

唐卿西域人

橋梓天殊棣有華良心初不間幽遐何年四海無旌表
盡化忠臣孝子家

子昂竹石老樹圖

嫩篁烟潤翠扶疎老樹枝殘影似無下有石兄都不問
四時堅坐看榮枯

唐三學士奕棋圖

褚亮蘇世長蔡允恭

瀛洲花滿接雲霄盛世間多早退朝喪亂歸來得真主
忍將長日用碁消

題鄭裕卿僉事梨花錦鳩圖

雲月空明小院春粉香清拂錦衣新莫教喚起一天雨
寂寞玉容如太真

黃州烏監郡勤政堂

惜因千古有良規一息因循事便墮厚養飽餘君試看
索綯須是最閒時

題韓國儀圖譜

億之後也當時稱桐樹韓家以別相州韓國儀今居豫章東湖

宋朝文獻跨隆古美盛更推韓世家斷簡一編三百載
東湖桐樹又能華

游青山晚坐水濱

水光山影畫屏開萬樹斜陽兩岸苔獨坐魚缸觀月上

撲天飛雪鷺鷥來

和南谷平章題呂公亭韻

四海茫茫一劍飛何年游戲漫留詩多應黃鶴樓前月
曾見御風歸去時

琳宮詞次安南王韻十首

流雲洞闢列仙朝飛佩聲寒下紫霄天上豈知鳧是鴈
人間虛說鵲成橋

閬苑春多不惜春萬年風物一般新可憐塵土藍田路

亦有區區種玉人

雲窻留月曙光微
瑶草含風露未晞
却笑天台俗客
桃花零落又春歸

涼入簾幃夜色輕
瑶臺添月更虛明
一壺天地渾無迹
只有清風動竹聲

通明殿曉侍熏爐
還駕扶搖返故都
風景便宜收拾取
莫教滄海有遺珠

山林活計只餐霞
世事茫茫日自斜
謫到玉堂無好況

夜深猶草侍中麻

人人開口說玄關，翻使身心兩不閒。
老子年來惟解睡，從教海上有仙山。

千金休買失船壺，汲挽知須幾轆轤。
昨夜山房新釀熟，一瓢和月泛雲腴。

神山雲矗碧天齊，滄海如杯太華低。
非是眼高空八表，世間何物不醯雞。

松筠扶翠護危樓，涌出清寒萬斛秋。
回老乘風無覓處，

碧天如水自悠悠

題趙秉彛所藏墨竹

冷雲香霧濕霏霏
翠影浮空晝欲迷
何處秋聲最瀟灑
玉堂風月鳳曾棲

洞賓像為秉彛作

三山引去幾萬里
道在眼前人不知
雲海從公定何日
秋風先染鬢成絲

織錦迴文圖

明珠金縷爛縈回香玉連環翦不開
不把肺肝都織出將軍惟識趙陽臺

春日漫興

竹几團蒲懶最宜不知花影隔窻移
鄰翁忽報小甕熟老子坐忘成坐馳

玉闕臨商德符山水

商家滇蜀得山時心與山逢手豈知
兔起鶻來君試看不從商學有餘師

一犂春雨圖

素餐無補合歸休但願人間歲有秋昨夜東風能事畢
三時消盡百年憂

汝南郭晦夫割塋傍地為祭田有譏其非古者予
為解之亦取其不得已也猶僅可之意後世有伐
塋內荆榛為爨燎之需而自給者視晦夫益遠矣
古制圭田墮渺茫有家隆替亦何常孝誠未暇論多事
一片秋風黍稷香

和繼學南歸至鄂韻二首

梅花零落柳條青人在孤蓬月在汀
明日瑣窗春夢覺祇應乾鵲擅多靈

達人去就一毫輕看徧江湖眼倍明
夔府惠州詩有樣朱崖應是不虛行

賞心亭

賞心亭上雙栢樹看我往來今
十年栢樹青青宛如昔當時游子已華顛

蛾眉亭

一代無詩萬象塵江山消得謫仙人
騎鯨一去不復返空使雙蛾萬古顰

昭明太子廟

一編和璧間南金鼓動唐人著錄心
韓筆不推三代上六經事業幾銷塵

鄱陽即事二首

蠲稅輸金冀不苛永蛇為害更加多
打門悍吏如狼虎

銷盡銀釵有幾何

禁弛池湖恤困窮小罾散筭若為功
攔江數罟橫千尺却被豪家一舉空

李正德御史分行廣西予行廣東相遇滕王閣醉
中次其韻二首

紅樹青山照轡絲江南無地不宜詩
秋光如畫天如水渾是京華夢到時

遠浦浮空凝晚色好山烘日出晴嵐
滕王閣上一分手

人過梅關南復南

峽江二首

賈胡輕作數年留住徧江頭
賣酒樓從此水綿成利窟
主家兒婿定纏頭

見說燕雲布價添久居輕別恨
厭厭明年江口好相候
定駕大船來賣鹽

杜子美象

刪後騷餘代有聞集成惟許杜陵人
憑誰寄語沿流者

流到江西不是春

卧龍圖

梁儀甫所收

能辨人間大有年
九淵誰道抱珠眠
等閒莫似隆中起
雨得西南蕞爾天

題大別寺石壁禪師懷可堂

老可而今骨已塵
只留老壁翠嶙峋
可憐懷可悠悠意
多少人間未可人

衡山王尉因蛙得疑獄邑人圖而頌之求題

事當人力難盡處微物依憑庸有之司馬家兒誰喚起
而今真可問公私

鵬窩驛次伯庸壁間韻四首

居庸無壘有人烟龍虎風雲俱上天漢家談笑中興了
大勝天驕多控弦

綠蕪千里動荒烟白鳥一行飛上天落日饑鶩叫平澤
鳴鵲何處發驚弦

桑乾水面晴生烟桑乾領頭青入天勸君過嶺莫回首

歸心恐如失去弦

濛濛山色濕非烟
四野窮廬垂一天
去家幾時驗明月
昨日上弦今下弦

和曹子貞壁間韻

桑乾高接碧天長
五月松風洒碎霜
馬上饋茶僧亦笑
今年更比昔年忙

至正集卷二十三

欽定四庫全書

至正集卷二十四

元 許有壬 撰

絕句

過安山

家家門戶瞰清流更向垂楊繫釣舟
遠客多情無計住江山雖好只供愁

邵信卿號洹溪以詩調之

我愛洹溪作扁題不知君已號洹溪號從君取溪須論
君領溪東我住西

何叟

青山何叟八十五能說王師徇鄂州子孫都不識兵革
老我但思狐首丘

龍眠跼齧馬圖

平沙細草好相忘同類胡為苦自傷明日雕鞍響珂月
九衢塵土要君忙

郭乾暉鷄子

霜風一夕淨雲林架上難羈萬里心莫怪主人留滯久
要觀神俊不從禽

鼠狼捕雀圖

天飛穴處本何仇口腹區區苦見求休羨蚨兒搜捕盡
又能媒汝上竿頭

張師善恬齋

氣機安處息飛潛虛自充盈澹自甜却是南華苦多事

才言養智便非恬

楊與可州判以道寓扁所居子山太監為之書

亘天體物初非寓襲取無恒自遠之但看鳶飛魚躍處
從知滕口不煩詩

李遵道竹石老木圖

石怪木老含秀潤翠竹却愛秋聲多一門毫素亦可念
今日李家無小坡

商德符枯木雙石圖二首

千霜百霆摧不盡石兄歲晚能相從山人一見竒興發
欲踞虎豹登虬龍

石非攻玉木非材半委荒烟半是苔偃蹇郊原能事畢
誰教收入畫圖來

自得齋

一齋風月浩無邊畢竟中間別有天若向筆端求此意
斷輪父子不相傳

題蘇昌齡集畫

崑山玄圃玉抵鵲燕石可擲不可藏我不知書還及我
又令鷄鶩側鸞凰

題思齋宣慰遠景圖

霜空高閣捲疎簾天外青山見幾尖不為眼前無可樂
主人心地似陶潛

贈秋海樓

玲瓏初日射雲烟俯看鯨波不盡天却被世人疑蜃氣
豈知詩骨自能仙

送盧教諭赴安化二首

官冷從知不為貧
古來師道重千鈞
休言邑泮才涓滴
中有斯文萬斛春

湘寒嶽翠滿烟霞
橘後江梅又作花
羈思宦情都莫問
好詩先出廣文家

題墨梅橫披贈高納鄰參政

冰霜為骨玉為姿
卷贈佳人政所宜
莫待雲山隔南北
才憑驛使寄相思

臨唐馬圖

一早曹韓骨九泉
圉人御策亦茫然
典刑更到傳摹後
不道房精已上天

胡清卿寂然齋二首

嚮晦深深踵息時
天人到此總無為
就中太極真形狀
說與蒙莊未必知

幽人一室靜沈沈
靜室何如靜此心
莫道無絃便無事
室中今日更無琴

上水石

真源天一氣常浮海運黃宮在上游
卷石底須分頂踵層崖千仞有懸流

題錢舜舉三仙奕棋圖二首

山林袒跣久忘形天地悠悠付一枰
誰識旁觀三昧手支頤無語任輸贏

商嶺仙真隱橘迴手談隨處觸玄機
人間柯爛知多少一老乘風尚未歸

清江老樹圖

霜餘澄碧晚悠悠老樹疎雲冷浸秋好段江湖清絕地
幾時容我繫漁舟

牛背觀書圖

蒲羈盤膝勝安輿人訝形骸與世疎却笑徙居三十乘
恰如牛背一編書

畫馬

惆悵孫陽世久無紛紛爲驥遂齊驅不教神物俱湮滅

猶幸人間有畫圖

送洪元振便養

冷掾閒闌不療貧
白雲況有倚閭人
從知後日千鍾祿
何似藜羹一笑春

翟志道永思堂

孝思非但與生俱
耿耿精成永不渝
看取九原身後月
蒼茫長照栢枝枯

二驥圖為劉仲禮御史賦

賈骨千金世已奇
雙龍何日下天池
一鳴奮起君休惜
不似當年立仗時

送劉縣尹之宣寧

寒暄有地從南北
郡邑無常自古今
寄語長人都莫問
斯民三代一良心

丙吉問牛圖

肥充列鼎健充車
厚養專為薄領毆
千古清風梓人傳
憑誰書繼丙家圖

和喀喇子山韻四首

洞深春早透蘭芽
窻曉雲香亂海霞
萬丈紅塵飛不到
紫簫吹綻碧桃花

草芳風軟小池濱
花露沾詩字字新
為問杜門緣底事
人生難得是閒身

落花飛絮亂濛濛
縱更繁華瞬息中
見說臨池揮洒處
老懷無酒自春風

風細流蘇颺繡毬
珠簾斜捲柳絲柔
日長靜對爐熏坐

一撻黃雲暖不流

范蠡圖

平日千金土不如功成歸去固良圖
扁舟若更無西子萬古清風滿五湖

病馬圖

將軍功就畫堂深伏櫪低垂老病侵
縱使房星天上去涓人持骨尚千金

松滋唐可臣提點得山谷三詩石刻求和

苦竹泉

在松滋竹林寺

竹林寺竹苦如藥却解涓涓出醴泉
甘苦就中真味在
慎毋燃竹把泉煎

橙麴湯

昔有洞庭春色酒更求湯液到金橙
浮花拍碗醉不得
笑殺街頭曳袋僧

蓮子湯

玉井經秋收翠蓋水仙分杵出玄霜
可憐太華高千丈

辦得華磁一勺香

仙釋會飲圖

紛紛仙釋關高閑占斷雲霞幾處山幸有濁醪宜盡醉
莫留言語落人間

米元章臨羲之帖郭才卿戶部所藏

浮雲鳥迹久微茫遂使王家號擅場屋下更來重架屋
令人還笑米元章

余蓬山墨竹四首

興可乘雲去不還
墨香傳印到蓬山
胷中自可容千畝
筆下時教露一斑

天機傳到十分清
曾向淇川印月明
更被涼飈舞蒼翠
眼中無葉不秋聲

幾竿秋碧掠雲高
風月幽林豈不遭
底事一朝輕結實
山巔朱鳳正嗷嗷

老枿槎芽含古春
一林寒碧自凌雲
石兄不肯事攻玉
只恐他山無此君

稚川移居圖

墨突不黔因救世君方逃世復何之妻孥莫憚驅馳苦
會有雲霄拔宅時

湘瀏胡子明大匠也誦子厚梓人傳甚習為余作
屋蓋無愧楊潛者其歸也以二口號餞之

大匠由來有相才心胷樓閣暗崔嵬山中宰相難論此
曾見山中道士來

十年鵬海漫遊遨今日鷦鷯恰有巢慙負堂堂鳳樓手

數椽纔辦蓋頭茅

題張毅夫右司所藏捕魚圖用胡紫山韻二首

達官底事賦休休
見說人間窄似舟
蓴菜鱸魚亦何有
季鷹歸興不因秋

當時曾泛洞庭春
碧滌瑤翻畫不真
三十年來京國夢
政須傾海濯緇塵

雪菴屏間有伯庸詩次韻二首

拂天松檜護重門
恍計幽居老樹村
人海紅塵漲車馬

道人庭院不能諠

禪師西遊木已拱
執法南歸墨尚新
拂拭塵埃驚歲月
題詩更有後來人

李陵臺謁左大夫二首

馬馳如蟻散平岡
帳室風來百草香
獬豸泛酥皆黑
漣瘳盤分炙是黃羊

李陵臺下駐分臺
紅藥金蓮徧地開
斜日一鞭三十里
北山飛雨逐人來

胡濱刺虎圖二首

夫恩山嶽已葭莩不見於菟只見夫坐視青衣辱奴隸
委身仇敵亦安乎

一誠金石可潛通何物班寅敢爾雄多少良人苛政死
夫人寸鐵若為功

雪中觀梅圖

西湖水月強傳神畢竟天機有未真直到一壺函太素
中間才見未萌春

至正集卷二十四

欽定四庫全書

至正集卷二十五

元 許有壬 撰

絕句

上都歸口號

嬌兒幼女逐山妻
爭解行裝看賜衣
顛倒海圖被短褐
絕勝杜老北征歸

和王左丞仁夫見寄韻二首

退食偷閒晝掩門時看風葉墜繽紛
盛時自有為霖手何用無心出岫雲

未能祖道設都門聊引芳尊自解紛
好把胸中浩然氣因風吹入華山雲

題張陽岡竹間精舍二首

草木雖蕃竹最清竹間仍有讀書聲
更觀淇澳青青意多少英才待作成

清風萬斛屋三間要與夫君老歲寒
只有好詩藏不得

興來題上碧琅玕

題林和靖工部帖

梅花已入詩三昧工部今如魯兩生一段西湖心事了
先生何意擅書名

題臨江陳道翁所藏乃翁司理宋公差考試文移
時方罷科

六十年來墨尚新古今良法貴相因汗顏不敢徵文獻
我是登科執政人

居庸道中

萬壑清風吹酒醒
居庸關下短長亭
回頭不記來時路
馬上春山四面青

寫家書

纔緘復折意躊躇
回首山川萬里餘
羨殺朱陳老田叟
一生不識寫家書

觀野花

龍沙七月野花開
淺白深紅間草萊
休羨一時顏色好

疾風明日送霜來

中都八景和王受益教授韻

龍庭瑞靄

天兵疇昔起龍庭
道契成湯始葛征
千古興王天府國
紅雲常護九重城

梵宇晨鐘

鴻音杳渺曙光微
有客孤窻枕半欹
喚起十年江海夢
姑蘇城下酒醒時

天橋夜月

長風吹月夜澄澄
虹背光搖玉一泓
題柱未酬空感慨
何人橫笛起三更

碑亭暮烟

扶蘇墓也

子道能全任殺身
後來多議不求真
君看易水悲歌處
風色蕭蕭愁殺人

閭山晚翠

斜陽著意染閭山
淡紫濃青杳靄間
望眼欲窮詩未就

野雲還與鳥俱還

蘭水晴波

石齒粼粼漱碧流
曾基王業振絕絃
坐令四海澄清了
依舊黃雲白草秋

高巖異卉

牡丹一本千花

凍未全消草未芽
雲收霞卷放千花
世間久絕殷韓手
誰信高巖有此華

蕓川春色

紛紛花草簇晴烟
想象江南二月天
我欲重嚙鄒子律
偏教沙漠似蓊川

酒惡行麗正橋水濱四首時有勸余止酒者

攻愁取醉恣狂歌
作惡其如醒後何
畢竟濁醪功有在
醒時愁比醉時多

我生奇策三十六
第一歸田次醉鄉
歸計未成元有為
麴生風味忍相忘

得錢沽酒政奇事
投刺向人徒強顏
麗正門前好楊柳

杖藜知去不知還

天橋流水碧悠悠徙倚吟筇數過舟
酒惡詩成殊不惡
淡雲疎雨漸成秋

次高辛甫韻四首

士衡入洛筆如神文采風流適二旬
千古彈冠還自笑
一時彈得幾多塵

平生誤事多毛穎歲晚論心有此君
閉戶高眠聽春雨
從知補拙不須勤

一別江南越幾秋
雙瓶時夢到沙頭
柳花滿店春醪熟
常記吳娃對客驚

同塵鉛槧分賢勞
時泄天慳擬楚招
底用饒饒更多事
他年公論有芻蕘

二色菊圖

嫩黃排粟點鉛華
小鈿浮香綴紫葩
因識流形生發處
一般秋氣兩般花

題毛女

咸陽妖鏡透肝膽三十六年愁守宮不為餐松飛骨去
脫身灰燼事重瞳

信筆二首

造物知余素愛山一官故調萬山間山深民朴官無事
却為觀山日不閒

掃除習氣却詩魔奈此青山怪我何說與吏人休報事
重陽詩好怕催科

寄友人

荒城如斗足栖遲更有青山不廢詩官況如何君莫問
一貧今似冷官時

九鷺圖題曰九思者

忘魚禪定野塘空撫卷時資省察功璞朴要明疑似處
休因鴻鵠又援弓

仙女奕棋圖

琪樹風清玉筍寒一枰相對意俱閒山林儘有無窮趣
休說輸贏到世間

寄高元用

兩鬢烟塵朝共鑿一窻風雪夜同衾為君拈起當時語
應見相思萬里心

冬夜即事二首

妻融雪水為烹茶婢焚松明課績麻容得野夫成懶散
團蒲危坐誦南華

紙窻鋪月白溶溶爐火欺燈照室紅萬籟聲沈人語定
好詩都在杳冥中

鞠事洪洞途中憶小兒

一旬不見小嬌兒已作歌詩寓渴思
便准不才承罪狀雙親正是倚門時

小園八詠

葵

一串猩紅高出牆薰風吹雨為催粧
主人不是愛顏色憐爾傾心向太陽

枸杞

仙根歲久轉滋榮
萬顆珠璣綴紫莖
我自去家無用處
靈龍從此不須驚

菊

十年干祿走天涯
却愛人間隱逸花
坐對短籬心語口
高風端合讓陶家

石竹

叢叢翠節散芳妍
淺白深紅簇小鈿
博物未能聊遣興
何勞精究麝香眠

牽牛

萬藤纏繞一籬秋
露浥芳姿翠欲流
好趁西風忙結子
幾多民瘼待君瘳

鷄冠

感錦按丹巧逼真
恍疑

缺

合作傳呼絳幘人

萼

鬱鬱成叢密並畦
清霜昨夜老繁枝
掃除有用材無棄

正是山家打穀時

水荇

離離繁穗糝輕紅
裊裊長身立瘦筇
老盡秋容人不顧
只應騷客識游龍

讀順宗實錄

茅廬心事幾人知
未捷何須論出師
千古效顰堪絕倒
叔文高詠少陵詩

畫兔二首

身總機衡恃兩州披圖重為古人羞從知三窟非長計
細草幽花且占秋

五車身後未沈淪還染丹青自寫真莫效張龍輕變去
世間多少守株人

莊子觀泉圖

梯空鑿竇寓真筌汨汨真如水有源不假尾閭常暗泄
世應無地著卮言

宮中魚水聚扇圖

舒卷清江懷袖間
蠹殘猶作畫圖看
秋風棄擲深宮裏
曾恨君恩比日難

行縣書所見二首

漲潦留泥糞稻畦
石渠分水灌麻池
醉翁社散忘歸路
行過柴門尚不知

洒水鋪穰碾不泥
築場如鏡積如隄
老癯已謝服勞事
暖日抱孫來護鷄

次班彦功教授韻四首

烏兔奔騰挽不回青山還見古人來
梅花都道春風早
辛苦年年最後開

詩翁下榻許頻過
駕鈍無堪柰我何
攜得瘦藤歸去後
小窻人少月明多

松舟檜楫綠蓑衣
夢裏烟霞赤壁磯
想像風光吟不得
一江烟雨片帆飛

醉吸蟾光肺腑涼
江湖豪氣未能忘
釣鰲滄海男兒事
安得綸竿萬丈長

玉樵陳君藏舊帖書法精勁有傳為宣政間許右丞者辨論紛紛未得其實吾友張夢臣又譏其徵租買物故及之

買物徵租未易輕且從書法看專精王媵一見知傾國何用區區問姓名

題錢舜舉相馬圖

伏波銅式久湮微轉覺人間具眼稀更向圖中校形似真龍元不傍人飛

劉商奕棋圖

老樵柯爛不知還一局輸贏未判間
滄海桑田回首變仙人元自不曾閒

林慮南樓

西山為我曉烟開正爾癡鍾造物衰
更欲細看陰態度老龍將雨出山來

至正集卷二十五

欽定四庫全書

集部

至正集卷二十六至

詳校官編修_臣錢樾

侍讀_臣孫球覆勘

總校官降調編修_臣倉聖脉

校對官中書_臣陸湘

謄錄監生_臣楊簡中

欽定四庫全書

至正集卷二十六

元 許有壬 撰

絕句

謝祐之桃花折枝

天台不折一枝歸
晴日明窻有所思
流水亂山迷去路
按圖無語看多時

令狐學士金蓮圖

九天光彩動金闕
輦路風香樹影齊
却笑漢家恩數薄
只教天祿待青藜

和李惟中僉事行部十首

湯湯十里失津涯
兔穴盡為魚所家
援溺慙非濟川手
海天猶幸可乘槎

滔天巨浪幾千尺
郡邑隄防亦漫修
畢竟為魚天不忍
而今四海總安流

水可亡人亦糞田
官曹日見簿書繁
欲令讓畔回澆俗

虞芮誰能作九原

聖人在上不為災巨電從渠挾暴積消遣閒愁須藉酒
年來多病不勝杯

林深逸足逝無蹤不遣周陞一掃空赤手於菟猶可搏

山棚誰道便無功

弓矢禁嚴乃課民納獐鹿

天家食貨定丕基封畛雖分貴兩宜水部大農猶可念
莫教條例及三司

露處風餐飲犢丸繡衣行部不會閒但將一念求民瘼

休問九重深帝闕

謫仙詩筆千鈞力
方救飢民席不溫
回望林慮好山水
一機雲錦負天孫

昨夜狂瀾復舊流
一方才免陸沉憂
朝廷有道民輸力
水部微功不用謳

號飢萬口久嗷嗷
撲火猶能未及焦
使者真如洞民瘼
清風明月播天朝

次解之昂寄來韻二首

塞垣霜露報寒深誰識羈人去住心縱有重裘且難禦
敢將締綌受攻侵

消磨歲月雙蓬鬢收斂風烟一草堂千載是非真可畏
墨卿無口解評量

題道山樂府墨迹

銀蟾逾魄景星微閒殺天孫織錦機回首蓬萊三萬里
綵鸞猶傍五雲飛

錢舜舉漁樵對話圖

水碧山青罨畫中，維舟弛擔忽相逢。
人間話柄知多少，只恐烟村有暮鐘。

太乙宮待張彥輔鍊師不至和繼學韻二首

聯鑣日晏出黃扉，目斷長空倦鳥飛。
不是道人歸不早，我曹多事自忘歸。

京國三年負草亭，眼中空翠擁雲屏。
琳宮今日見秋意，風色蕭蕭月滿庭。

右二絕句丙寅歲八月十二日作丁丑四月彥輔

請再次前韻以記歲月

故山林樾鎖岩扉誰遣沖天試一飛明日桑乾逢杜宇

多應徧告不如歸

時予將分省上京

歸去求田旋築亭醉來乘興自書屏仙人知我思家意
不遣雲山出戶庭

題趙閑閑書東坡太白贊

謫仙人品世無倫況得坡仙重寫真千古懷賢寓奇筆
不應更有捧心人

宣和乾鵲科石圖

宴安遺煬九重虛吮墨含毫思有餘奪盡天真才小巧
苞桑磐石計何疎

李唐春牧圖

花鳥春風藹筆端趙黃胥次不酸寒李家却解陳三桀
只畫春郊黑牡丹

贈眼醫杜仲文

老禪生具正法眼外物幾時能晦冥只有阮家頗妙手

莫教為白只為青

陳元達鎖樹圖

極諫能教必我從按圖千載想英風都俞吁咈勲華遠
却使王臣效匪躬

贈梅隱

冰玉叢中著此身世誰充隱復誰真暗香莫遣輕吹去
見說人間無好春

題息齋竹經進而賜臣下復歸於李氏者

會捧清風上九關
人間驚睹翠光寒
不知雨露深多少
直到而今滴未乾

題張圖南思齋

操持有九舉其要念慮至三將反疑
試看如愚坐忘處
幾多功力到無思

題趙秉彛所藏宋好古竹

千畝雲深幾萬竿
月明留影印琅玕
佳人心事誰能識
日暮西風翠袖寒

雪窻水墨蕙為秉彛賦

一幹勻排五七莠紫檀心緒碧雲襦世間不具涪翁眼
誰識山林士大夫

淵明漉酒圖

平生心事在黃虞豈意人間有寄奴歸去一巾猶漉酒
宋家冠冕定泥塗

神山雜詩二首

山留殘雨濕拖雲竹引鮮飈細漉人詩思清如寒水玉

休教落紙恐沾塵

窻扉九夏鎮長開一榻無塵地有苔怪底山禽栖不定
竹林風雨送涼來

次黎東山鳳栖別墅韻四首

風漪翠舞躬耕稻雲錦紅酣手種花杖策尋君迷不得
有書聲處是君家

松氣遠侵書几潤竹陰清過酒樽涼有兒能了家庭事
何用紛紛更五莊

七里原頭營別業三間堂下有東籬霜林不盡天如洗
都是山人來了詩

書傳諸子有萬卷產比中人無千金老瓦盆空猶不寐
霜飛月墮覺寒深

贈龍明初

山泉始出清如許山下塵泥變濁流要見泓澄鑑毫髮
直須窮力泝源頭

題廖如川雨竹

洗玉池邊秋滿苔濕雲香滴翠痕開此君豈識為霖事
惟待丹山老鳳來

都門柳

都門四十里青青幾度迎人幾送行老子有言來汝柳
只煩相送莫相迎

書所見二首

陵坡野菜綠如鋪膚受方期宥老榆菜少人多挑掘盡
有榆從此盡無膚

田園賣盡及兒孫少壯流移老病存一段昇平好圖畫
人間惟欠鄭監門

雨二首

雲漢方憂日蘊隆神功誰辨笑談中歸人不是天涯客
一任蕭蕭夜打蓬

烘衣婢子嗔蓬漏挽索傭兒怨路泥口腹累人猶未免
老農方此望雲霓

夜次館陶二首

三老趨程不憚勞
船頭坐看月輪高
烟村漁火微茫外
一簇人家是館陶

浦雲林霧鬱蒼蒼
水面無風晚自涼
今夜蓬窗應不寐
計程三百是吾鄉

即事二首

幾家門繫釣魚船
一陣風香燎麥烟
畫出太平村落景
酒旗多在綠楊邊

遠浦客帆明冉冉
前村牧笛響嗚嗚
園桑葉盡蠶成繭

庭樹陰濃燕引雛

舊縣觀水迹二首

千里郊原大水餘
偶教磽瘠變膏腴
只言二麥連雲秀
不道田廬蕩已無

浩浩湯湯記去年
樹梢留得辨桑田
千村萬落乘舟去
直到大名樓閣前

出郊見柿園如江南橘林

落日郊原秋滿烟
煌煌星火爛將然
一時喚醒江南夢

恰似洞庭霜後天

同克呼和叔游西山途中口號二首

人人載酒具盤飧盡說監州昔有恩

和叔嘗
監林州

底事當途

羅几案只愁旌旆過柴門

城郭囂塵厭往還出城依舊不能閒野人豈識予心事
只羨丹墀第二班

題墨竈寺方丈東壁

四圍嵐氣濕人衣五馬行秋弭節時莫遣鳴笳響空翠

恐驚猿鶴怪歸遲

次雪山上人韻

雲埋墨竈久無烟散作晴嵐簇馬前白石清泉有今日
黃塵烏帽笑當年

出山次前韻

黃葉紛紛落滿衣山僧扶袖下山時莫嫌款段非良足
老子行山正要遲

砮峪寄可行弟

千巖萬壑鬱蒼蒼
葉正殷紅菊正黃
莫訝荒遊倦回轡
要因高處過重陽

遊善應宿儲祥宮次元裕之韻五首

兔絲休羨附蓬麻
鳳鳥還來訪竹花
昨夜山翁宿何地
水雲深處玉皇家

溪山好策一枝藤
學得襟懷淡似僧
舊習掃除猶未盡
留詩聊用記吾曾

幾處青旗映小橋
村醪時用慰無聊
我來本是逃名姓

莫為題詩更自標

猿鶴烟霞日漸親
黃扉人已作山人
只應堂下潺潺水
能洗東華舊染塵

琳宮夜靜覺寒生
霜碧澄澄浸月明
滿耳鶩湍不成寐
四山雲樹更秋聲

善應泛舟

郡西風物皆吾土
十二年間恰兩迴
不掉航船醉今日
溪山渾似不曾來

傑古愚上人奉詔歸山

墨名儒行迹雖殊進退中間見讀書一覲清光便歸去
古人政自不曾愚

康申題馮致遠畫卷丁丑攜以來謁次韻歸之

世情物態日悠悠一別回頭七八秋畢竟人間有歸處
江湖初不厭予舟

半生蹤跡偏堪與與世求踈尚未踈可惜淮南招隱賦
不知中散絕交書

至正集卷二十六

欽定四庫全書

至正集卷二十七

元 許有壬 撰

絕句

竹枝十首和繼學韻

居庸泉石勝槩多
桑乾北去漸沙陀
龍門鈎帶水百折
一日驅車幾渡河

草軟沙平無長泥
踏歌飲別鴈行齊
海青輕騎圓牌去

金犢香車翠袖啼

紅黃簇簇野花勻
千騎騰驤不動塵
圓帳風涼來月牖
方帷日影蔭文茵

邊民總總僎來蘇
瞻望祥飈動祀姑
透空何處一聲笛
渾似春風聞鷓鴣

健步兒郎似籊雲
鈴衣紅帕照青春
一時脚力君休惜
先到金階定賜銀

草色迎秋便弄黃
青山盡處暮雲長
秋風關塞迢迢路

望斷美人天一方

野蔌堆盤見蕨芽珍羞眩眼有天花
宛人自賣葡萄酒
夏客能烹枸杞茶

使者南來馬似龍一馳三百未高春
却笑牛車鳴大鐸
道途狹處莫相逢

有懷常擬賦閒居有筆當思頌二疏
濯手清灑時一笑
少年曾寫萬言書

大安閣是廣寒宮尺五青天八面風
閣中敢進竹枝曲

萬歲千秋文軌同

柳枝十首

同前

灞岸千枝復萬枝，隨風嬌困力難支。
只知擅盡風流態，不見清霜搖落時。

樹陰沙地白如霜，偏拂柔條惹恨長。
灤水有人思翠嫵，章臺無計綰絲纒。

昔時相見眼俱青，未許霜風一葉零。
十五年來樹如此，可憐張緒鬢星星。

龍岡照映兩三株
恰似天河種白榆
天河尚有鵲橋渡
半載龍岡無寄書

世有別離無可奈
汝逢攀折漸成稀
灤江却是多情樹
不送行人只送歸

龍沙五月恰飛花
飄泊渾如客去家
不化浮萍隨水去
恐教浮蕩有根芽

玉人金勒趁陰騎
萬縷千絲故故垂
行盡沙堤時按轡
袖沾飛絮口頻吹

金入元八
卷二十七
江岸溪橋到處逢
笑渠節操不如松
而今僕僕黃塵道
却對長亭笑殺儂

雨後川原風色淒
遠連烟草共低迷
不聽黃鸝深處語
夕陽惟有亂鴉啼

越女吳兒盡識儂
江湖處處可相容
明朝共約梅花去
不與爭春與作冬

和繼學壁間韻

莫道催歸無杜鵑
數聲征鴈夜如年
思婦多應挑錦字

將軍休待勒燕然

題武寧翁氏湧翠亭

亭前山勢渾如浪勢自奔騰
體自閒老子相看肯輕出
江湖却有浪如山

思歸

思歸不惜歲如流日望西風早作秋
只知倦客還家好
不見秋風催白頭

次賈伯堅左司寄來韻四首

清風千里墨痕香
琢出天球潤似肪
已為郢歌翻白雪
更將仙杵搗玄霜

酒來宛國注紅香
魚出涼亭薦雪肪
多病浪仙都負此
空哦清句嚼冰霜

書室惟須辟蠹香
鉛刀誰遣試纂肪
相思夜夜秋衾夢
菊有黃花瓣已霜

賜霑魚鳳玉脂香
大笑輕闕服鴈肪
華髮侍臣歸有日
駕鵝先報一天霜

梨花鸝鵲扇頭贈李如淵

言非鸝鵲莫饒饒力不能高忍爾庖白雪香中風日好
慎毋踰濟更來巢

和友人北苑馬上四首

古木陰陰覆苑牆鴈程霜早碧雲長欲知聖德如天處
最近來庭是越裳

高榆矮柳遠參差一幕秋空碧四垂莫笑從臣歸太急
人間天上共秋期

萬事浮雲一瞬過何勞辯口似懸河北風捲雨城南去
明日灤江水又多

金蓮紫菊帶烟鋪畫出龍岡萬世圖直使王嬙到青塚
漢家當日有人無

代書寄可行弟十首

灤京尺素寄沙羨料理田園有事宜檢校便當勤檢校
參知行欲自參知

祠堂花木已繁陰見說栽培用力深南土常年秋喜旱

更宜澆灌待成林

叔季勤勞共相攸為予高坐蓄書樓先公遺後一萬卷
明日投簪去校讐

樓後樓前地有餘埜心常愛樹扶疎四時花木須栽徧
更作蓮池就偃潒

漢川雲夢有租田今歲應逢大有年約束諸僮公出納
羨餘留糶杖頭錢

雙鶴廣陵來敝廬啄苔穿竹日相娛莫教忘却蹢躅態

歲晚待渠從老夫

桂花初放小山幽更有葡萄映石榴
食實折花歸有日
休教蕪穢負清秋

當年手自植拼擱別後長添幾尺餘
說與園丁宜善視
老饕歸欲食其魚

文竹移栽只五根來時無數長兒孫
不因繁冗休輕翦
要使清陰過酒樽

眼花齒動鬢斑斑三十年來不暫閒
多少家庭纖悉事

從今先約莫相關

題善原道經歷所藏唐人曉粧圖

錦帳春寒曉起遲
臨鸞無語更嬌癡
勻粧未了花陰轉
已過農家爨饑時

贈瀏陽連平山上人

其人工裝潢

平山山下連浮圖
長日空門力有餘
却是墨名儒者行
肯來裝緝我家書

題吳德輝母貞節詩卷

貞節千年詎陸沈傳芳猶欲託詞林
吾衰不辨如椽筆
深負區區孝子心

題龍遜甫耕雲堂

滿山深鎖白英英不解為霖但可耕
只恐無心忽飛去
埜人何處望秋成

贈五星黃見心

人心雖奧不難窺天地之心尚可推
直待韋編三絕後
恰知雷在地中時

龍眠畫十六羅漢

西方百萬億菩薩老李偏圖十六人
八凱八元無覓處
空中樓閣有麒麟

飛鳴宿食鴈

陣雲清落數聲寒
飲啄江湖夢亦安
莫到衡陽便回去
陰山春盡雪漫漫

周岳甫雲山圖

丹崖千丈杳難攀
雲去雲來一樣閒
底事老禪言不悟

不觀雲氣只觀山

題劉光遠林禽白頭公圖

林深果熟足身謀爾復何憂亦白頭莫訝塵纓縛仕宦
蕭蕭雙鬢早驚秋

題鄒鍊師古齋

十二萬年餘幾年人心世道日堪憐之人欲究先天意
試看庖羲未畫前

僧栢林墨蘭

素紉如水汎崇光回首春風九畹荒
一自湘纍紉佩後
深林辜負幾多香

野園見碧桃

臉霞消盡見清真應笑崔郎不識人
鄭重莫誇天上種
深山幽谷一般春

昭靈江樓卽事

翠幕紅旗拜嶽船凝笳疊鼓動江天
千花萬柳疑無路
一點衡峯在眼前

壽寧宮白龜泉有築室祀軒轅彌明刻韓子聯句
於上作口號以喻岫雲懶雲二提點

不須聯句夜紛紜石鼎惟堪煮白雲若向衡峯問端的
空同山叟是鄒訢

昭靈江樓廷鎮招飲罷風雨中解舟泊西岸

伏波祠下水澄澄急雨狂風雨半醒楚峽雲歸棹歌起
隔江燈火看昭靈

題廖氏西山用廷鎮原功韻二首

聖時何用效夷齊修竹雲深鳳可棲
政自不須勞手板
清風明月互東西

烟霞香靄隔夷庚新月斜陽畫不成
萬里風來好乘便
等閒吹上碧崢嶸

息齋著色竹

錦棚新出玉亭亭便領蒼寒月一庭
底事清風藏不得
直教高節著丹青

李遵道科石二首

千霜凌轢百霆摧半是枯樵半是苔中有古春無盡意
郊原誰羨萬牛來

一卷蒼蘚頑不轉千尺冷雲僵不飛從知難勝柱石任
爾厭山林何所歸

題本齋用廷鎮韻

山林雨露積微涓毫末行將薄九天仁義栽培正如此
要知根抵在心田

題乘槎圖

環海周流不易時有人乘去欲何為如何取得支機石
更問偷桃翫世兒

寒江獨釣圖

梅花無影水無漪舟入遙天晚更微收拾綸竿沽酒去
又教披取一蓑歸

僧待渡圖

落日青山遠欲無蒼烟深處有浮圖老僧不辨馮河力
却笑當年有折蘆

墨梅

繞別璿江萬玉飛
又從豪素見橫枝
春風可是無拘束
吹到人間第幾詩

墨蘭

騷鄉人遠未忘情
莫訝無香浪得名
九畹有魂銷不得
巫陽招與楮先生

白猿授書圖

異途邪說騁榛蕪
豈識人間有廣居
河不出圖龍馬逝

野猿傳授定何書

至正集卷二十七